

南川縣志


地280.251

39

212

10-189

12



龍川廟後建文昌殿記

周煌

海內士大夫罔不修文昌之祀相傳鄉會試黜陟進退胥神主之故奉事綦嚴或以爲此道流之附會不足信也予曰竹垞蓼谷之文辨矣而其考核尚有未盡者周官大宗伯以禋燎祀司中司命注先鄭云司命文昌星康成則謂司中命文昌第五第四星此文昌之祀之掌於春官者也小司寇孟冬祀司民獻民數於王注司民星名謂軒轅角於祀司民而獻民數重民也司民掌登萬民之數及三年大比王拜受之登於天府注先鄭云

南川縣志

卷十二 文

六

文昌三台屬軒轅角相與爲體近文昌爲司命次司中司祿次司民疏謂三年大比年年民數皆有增減此祀文昌以獻民數之掌於秋官者也地官鄉大夫則大比考其德行道藝而興賢者能者厥明鄉老及鄉大夫羣吏獻賢能之書於王王再拜受之登於天府注司農云興賢能若今舉孝廉茂材夫三年大比而獻民數其中賢者能者久別異而書於鄉師黨正矣豈獻民數則告於神而獻賢能之書反不告乎其於經卽無明文而可此類以得之司民之神先後鄭注互異而軒轅角與文

昌相近則謂文昌六星與軒轅大民小民之星共司其事可也然則道家之說實昉於此而非出於附會至於一十七世爲士大夫身事近惚恍然謂在周爲張仲以孝友之人上配文昌之星而因以主士子之予奪與周官六德六行之教幽明正相表裏此卽五行之神配以五人帝之義而其理固彰彰不可誣也南邑觀音橋舊有龍川廟李君謀建文昌殿於廟後吾弟同川倡人士醵金成之來索予文因卽竹垞蓼谷之說而更考之以文於碑

新修奎樓記

黃際飛鶴樵

余同治八年春仲令南川恭謁 聖廟見公門外奎樓地窪而穢非惟不足以昭嚴肅壯觀瞻而閱歲既深駸駸乎有棟撓懼爰改卜於城東南隅得良材數十章於明月寺以屬學博劉君錫堂職員李君吉六經營之自巳巳冬迄庚午夏八閱月而落成計費緡千四百有奇悉都人士之樂輸也間嘗與都人士登樓而望金佛九遞香爐水井諸山蜿蜿蜒蜒百餘里外畢會斯樓以朝於大成殿若方伯連帥率大小諸侯入覲天子回顧西

南川縣志

卷十二 文

八

北翠嶺環列則又若屏若帷若城垣藩蔽 聖廟真所謂夫子之牆萬仞不得門不見宗廟之美百官之富者而皆於斯樓遇之洵帝之所會昌神之所建福也邑之人文其蔚然起歟其未有艾歟因記其事并記余之厚望焉

晉贈奉直大夫韋公傳

周維垣

碩華先生諱巨英古隆化人也韋氏之先莫盛於唐仲崔盧雖天子亦艷其華胄城武安鄉諸君子其文事業長與天地無終窮逮明初有以武功宦蜀者遂於南川而簪紱之榮文物之盛又爲一邑冠信乎源遠而流孔長矣先生博涉書史幼卽喜談經濟不爲帖括業不事家人生產分爨美田宅悉以讓諸昆家無甌石無所介意嘗泛舟楚湘遊河北出古邊城日塞外風雲之狀麗河山人物之瑰奇與夫渾脫旃裘南川縣志

卷十一文

九

天雪窖一切可驚可愕之變態益以開拓其心胸而放其眼界彷彿陳季常精悍之色見於眉睫時同邑齋周公宰山左勸援例就職先生曰大吏吾不得爲尉吾不甘爲吾其歸以教子孫讀耳其平居左圖右垂疎箔據隱囊把一卷觀古今成敗出則櫬鞋桐帽小奚與親戚鄰里說彞倫講人生節義方規圓矩無昧人亦不敢以曖昧事干之家訓尤嚴整哲嗣如僑雖補博士擁臯比爲人師猶悚息侍側唯謹年七十大府採其行誼上之於

朝躬膺優典邑人以爲華焉賢配宜人氏鄭邑名家女事翁

姑孝事夫子敬訓誨子孫中禮中度諸餘須妯姆棟樑
盡職內外井井罔不皆有法度誠足以佐君子偕嘉耦
也嘉慶乙亥丙子間垣供職戶部先生之冢孫紫航以
拔萃來京師下榻寓宅者凡四年昕夕道家常得先生
生平甚悉自移守黃州苦音塵迢遞本年冬初適紫航
以先生行狀來囑作傳聞函朗誦猶京邸煮茗清話時
而先生沒五載矣嘗謂天下權奇倜儻之士其氣魄可
以肩重任其精力可以宏遠謨得時卽當樹勲立名以

南川縣志

卷十二

文

十

光揚竹冊不然而乘下澤車御欵段馬鄉里稱爲善人
抑亦仰無愧俯無忤乃或恃其才幹而爭及於錐刀或
逞其強梁而訟生於鼠雀究之浮雲蒼狗醴泉芝草如
現曇花觀於先生之亢華宗而振基緒其亦可以興起
也已按先生一子名惠卿邑庠生孫杰生刑部主政燾
生恩音生曾孫某某 贊曰動搖山嶽公家御史掃地
焚香公家杖履滿籬黃金何如一經教子必如先生之
明目張膽斯可以綿延福祉洵如宋廣平之言盛德遺
範盡在此矣

守備陳公傳

邑人曹異三收齋

陳公名永揚字正祥明臨江侯杞國公諱德裔也世居江右至志高始由楚黔遷蜀之南川縣志高生顯才才生思朝朝八子公其季也少孤喜與無賴輩講習刀劍擊刺術不事家人產理性嗜酒薄田數畝所入不供酒費親族助以貲俾負販不數月盡付酒家於是咸拒絕之戒子弟勿與遊公益落身無完衣或數日不得一餐然得錢必大醉醉則持刀舞劍使氣謾罵人皆側目恐爲里黨禍欲執而送諸官客有洩其謀者贈之錢使遠

南川縣志

卷

十二

文

十一

行公沽酒與客痛飲而別時仲冬乘醉夜行至鹿口足皴卧路側石盤上雞鳴公醒濃霜着草木皆白所卧石盤獨無有二獸夾公卧公起亦起去至前嶺大嘯乃虎也三日至湖北雲夢族人家去南邑千二百里人多不信居數年無所合嘉慶元年教匪亂二年下招募令公歸在涪之蘭市李渡二鎮約五百人應鄉勇募赴朱鎮營三投而三見擯遂與五百人投別營至蜈蚣嶺見賊千餘人自流坪循岸而下賊方敗官兵銳甚衆懼欲逃公曰我輩爲殺賊來今見賊懼非夫也命百人伏溪曲

自率百人上山以百人匿林莽間二百人疾趨賊後賊將盡自後截之賊驚竄山山凹戈矛齊出林莽中飛石如雨伏溪曲者斷其下賊爭涉溪而前山大雨溪漲適至過者多漂溺殺傷數百人生擒百餘人悉獲旗幟軍器騾馬牛羊公登山樹賊旗擊牛烹羊以犒眾時朱鎮聞有得勝軍使都司蒲佑盛十餘人往探見旗大驚問行汲者知爲公急上見公具言殺賊狀乃引見朱鎮給以紅旗賞軍功命統五百人自成一隊諸所獲悉予之通江鸚哥嘴賊冉文壽鮮大川李自清羅其清巢穴也

在亂山中前俯深溪後背巉巖賊聚所擄貨物其中公偵知潛履其地周視之知賊於某夜宴會是日暮率五百人運大石於山巔置稻草數十束夜將半賊飲闌乃燕稻草擲下燒賊巢光焰燭天巖上大石推下訇轟不絕預遣人泅水阻其出路賊醉夢中不知所自多投河被火石者肢體斷絕不勝計公豎紅旗於巖是夜朱帥營見火不知賊劫何處次晨遣軍四探而大霧彌漫所樹旗朝暎照射紅白莫辨偵者見旗疾走公使人追告之始知夜搗賊巢也朱帥大喜給公把總銜由是製奮

勇旗幟賊見之呼旗爲蓑衣旗兵爲長脚兵戒衆勿輕
與戰公在軍七年大小百餘戰擒李自清龔建李五長
櫃張世龍王四虎元四洪龍紹周張大倫陳國珠魏棒
棒張簡唐明萬賊首十二
賞戴藍翎

御賜銀牌三十三面荷包鼻烟壺磁帶鈎各一授戕邊營守
備當是時賊東西跳梁隨撲隨起蹂躪川東北蔓延秦
楚豫平賊諸大帥日移營遠避或終歲未見賊縱兵淫
掠殺平人以邀功時民爲之謠曰賊至兵先退兵來賊
已空可憐兵與賊何日得相逢維時與賊力戰者惟鄉

勇而鄉勇之功兵冒之分之故兵不戰而論功授官鄉
勇雖出死力得官必視其夤緣教匪之亂歷十餘年職
是故耳公自計頻年足無停趾穿賊穴冒賊刃見賊卽
戰未嘗挫辱而無功者恒居上頗不平一日與諸官飲
醉各稱功某某無可述公訕笑之其人羞而怒公大罵
拔劍擊席盤盃悉墮地碎遂於勒帥前媒孽公抵於法
德將軍與朱鎮救乃盡削前職德將軍者前與賊酋張
長庚戰敗僅以身免公救之復敗賊悉返德所失物將
軍感之朱鎮則移營遇賊失夔鎮印恐甚公三人賊營

獲之朱亦德公故二人力救得不死又三年教匪平授公
貴州天柱營外委嘉慶二十四年陞清江把總道光七
年陞柳霽千總十二年楚南江華趙金龍叛大兵敗之
獲其子子清冒金龍名置之法而金龍竄廣東復熾公
擊之陣列軍士忽日昏不能視遂退三戰皆然公知其
有術觀賊營倚老鼠嶺五高峯作術必於此次日出戰
公黎明時易服潛登山頂見道人懸木偶執盂水作法
視木偶回旋顛倒則捧泥沙下擲急趨斬之遂擒金龍
因前報金龍授首此反報爲金龍子熹帥奏其功

南川縣志

卷十二 文

十四

賞戴花翎授廣東三江左營守備十六年出兵西口外凱
旋赴京

陞見授福山鎮都司十七年征唼咭喇調署增城營參將十
九年署三江副將二十年制軍大閱以衰老致仕繳印劄
舉室行越三日制軍聞公深得夷情遣追之以三江守
備復任公力辭遂歸時年七十四矣公在任時每念少
時同擊賊如桂涵羅思舉胡超諸公皆提督軍門所拔
如張必祿亦開闢西蜀所薦如今身雲進位少保而已
浮沉一官年逾七十長子興明遠在黔省四五子俱幼

牟城十三行洋夷潛蓄異志制府務爲包容脫有事西
川萬里細弱者何能履故土上先人壟墓耶輒淒然泣
下故得請卽歸無少躊躇越二年嘆夷猖獗數載始平
則已大費國計也公歸卜宅鳴玉場側買田十餘畝布
衣粒食嘗從鄉人飲言笑謔浪幾忘其爲官年來貌益
豐體益健所携少妾歸生三子時公八十有五古人以
八十生子爲奇公不更奇耶公身材不逾中人面微赭
經數十百戰僅受一石傷生平不染疾病海內之地足
跡遍十五省又歷打箭爐上下瞻堆大小金川前後藏

諸邊徼出嘉峪關歷烏魯木齊喀什噶爾庫車伊犁于
闐巴里坤吐魯番葉爾羌等地蠻烟瘴雨眠沙飲雪備
極辛苦而不言疲行年九十容貌如五六十人日三飲
兩餐教其子運長矛舞雙刀手足迅利健兒不能及其
稟賦何如也嘗言擊教匪時曾一酣戰時陳將軍屯八
石坪傅將軍屯磨刀溪呂軍屯龍泉營七帥屯大昌縣
東坡賊目徐天德冷天祿王三槐張長庚冉文籌亢四
洪張把總率八萬人屯大昌縣河壩謀次日分襲三營
日晡七帥得信欲合三營攻之而相去各百餘里問誰

能通信者咸推公七帥酌三卮酒奉公封賞銀百兩以
俟公卽行過賊營殺巡邏二人執其燈籠以去賊不疑
四鼓抵龍泉營呂軍門飛報陳傅兩將軍天將曙公回
營七帥授以銀拔營至蓮花庵賊眾蔽山而來四帥齊
擊鎗礮聲震天地自已及酉屍填江數十里血膠黏手
指濡染衣甲淋漓下滴足陷至膠仰視天日昏黃七帥
傳令開一路放賊遁者三萬餘人江流百餘里皆血賊
由此不振至今思之猶慄慄焉當其時不覺也龍灘釣
叟曰公居去予家不遠歲時曾公每言我不讀書識字

未受父母師長誨任性而行故終身成就僅如此嗟乎
公之功建牙專閫宜也而終於守備毋亦雙虎之兆定
於前莫能增益歟然與公同起諸公雖官極品今皆不
在獨公優游林下樂享天年爲熙朝瑞造物者或以壽
補公之祿位與名也耶公壽一百零二歲原配任壽八
十六續娶羅壽八十八

奉直大夫韋公傳

邑人徐大昌 小蕃

公諱紳卿字摺堂邑之元村人祖芝芳公父振賢公公
爲人姁姁然如孺言訥訥然如愚至於臨大事瘖鳴咤
叱不愧利害卒以是死咸豐初年邑令

貪且橫徃徃破百姓家公戒里中勿訟有爭輒剖其曲
直皆成無至官者皆吏不入鄉元村地接黔之正安桐
梓咸豐四年黔賊楊潛喜倡亂邑令許公延祐檄公率
鄉人防堵人樂爲用賊於是不敢入南川界事聞議叙
同知銜粵賊蹂躪皖粵楚浙間數年蜀人以去賊遠近

南川縣志

卷十一

文

十一

者李藍短辮么麼旋起旋撲無足慮咸豐十一年五月
僞翼王石達開衆數十萬已由楚入黔固耽耽焉視蜀
矣七月丁未賊悉衆趨蜀踰綦江由青羊石馳南川南
川令王公臣福謂衆曰縣小不足以制直趨重慶則重
慶危矣重慶財賦之區危重慶是危全蜀也盍及其未
至防之於是檄集團練與邑優貢生唐洵拔貢生鄧卓
南防於邑南七十里之萬盛場王公性仁厚喜談經濟
用兵實非所長萬盛場者地卑狹營先失利團勇無紀
律七月辛亥賊晨掩至倉卒接戰敗且走唐洵鄧卓南

皆戰死場中積屍累萬王公奔入城時修城事未竣東
南隅缺處十數丈高尺許可翹足上城中勇不過三百
禦無具賊去城僅數十里且即至城中大恐絕老幼
婦女出走留壯者守門腰皆束索布以待俟賊至利絕
走終夜聲洶洶如沸王公門子夜走元村五鼓抵公家
促入援公聞警率團勇數百疾馳百七十里次晡入城
見王公曰事急矣紳卿請先至城上備守禦事公宜繼
出安百姓俾無恐於是公登城指麾以木桶實土石塞
缺處支大礮要害集眾守陴列炬傳號踰時畢舉城中

人素習公威望皆大喜不出走初公之入城也城中人
不滿千城上箭垛凡千二百有奇承平久人不習戰聞
賊至心膽俱裂倉無積粟市無餘錢公曉以大義眾始
固因慮賊或相持久知虛實城且不保不如先擊之以
奪其氣癸丑賊大至僞前鋒持旗躍馬大呼直上南城
橋城上發大礮擊之立斃賊氣阻稍稍退二里許公密
傳令所率勇分爲三潛出戒城上勿譁公出賊方食急
揮勇前掩賊賊弗覺也城上忽發聲震天地賊驚棄食
出皆奔上城東山公大呼殺賊而獨追數十賊於田間

賊易公返鬪一賊引矛直刺公公手帶鐵鞭左壓賊矛
右擊賊破其腦後者引矛如之又至又如之有餘賊入
郭外民舍聞城上聲驚出則見公一人與賊鬪疾自後
刺公中背達腹猶鞭斃一馬始踏時年六十有六所率
勇皆鏖戰賊多傷自己至未始退索公不得皆大哭不
欲生公之得人心如此而賊亦膽落不敢再薄城有去
志乙卯賊退得公首於王氏園面如生公子才栢才椿
俱材勇能從公敵愾以是年八月乙亥歸葬公於元村
歸之日官哭於署士哭於城民哭於野平時與公不相
南川縣志

卷十一

文

廿三

能者皆揮涕執引送者十餘里猶纍纍相屬也事定王
公以其狀白於大府請於

得如例卹蔭雲騎尉入祀邑忠義祠石賊初欲窺重慶
以蕞爾邑被創計大阻遂由南竄涪竄咸豐來鳳越一
載復犯南川城中人益奮力與戰卒走賊論者謂是役
也邑人効命輸忠蓋公有以倡之云

論曰國家養士有年軍興以來忠義之士類能効命疆
場蹈白刃甘若飴焉男兒以馬革裹屍榮於老死牖下
多矣雖然官守所在固不得而諉也若公者一鄉人耳

而卒死死而城之人賴以生於厚公亦烈矣哉

南川縣志

卷十二

父

十四

唐公少泉傳

邑人駱國恩子安

公諱洵字少泉姓唐氏其先楚人遷蜀居南川乾溪漕以詩禮世其家公自少美丰儀性英敏勇於爲人見義必慷慨激昂不計利害其爲文汪洋浩瀚有奇傑氣年十八入邑庠歲科屢冠軍道光庚子以弟子員舉優進士出何一山學使寶麗泉制軍之門辛丑朝考報罷肄業國子監授教職連戰北闈皆薦而不售張道進太史慶石樵侍郎重其名聘主西席留京者五年歸應本省鄉試適將軍廉公制蜀延爲記室旋以省母歸里主講

南川縣志

卷十一

文

十五

隆化書院育才鄉學又應張星使黃州牧曠明府諸君聘及己未恩科鄉試不報歸遂以母老不復遠遊時四郊多壘邑侯王公命辦團練咸豐辛酉七月粵逆石達開逼綦邑公隨王公率團堵剿屯於邑之萬盛場二十五日賊猝至公挺身督戰衆寡不敵遂遇害年五十有四 是行也邑人士有以公儒生欲阻其行公慨然以身許國不肯爲苟安計以此見公之死固公之志也時公二子奉太孺人及孺人在城裏辦城防事聞耗大驚卽欲趨與俱死以賊旦夕撲城甚急不得出比賊退匍

蜀詣公死所覓其屍得之面色如生蓋去公之遇害已五日矣昇歸邑侯王公率同寅暨在事紳弁以及城廂軍民出郊迎奠莫不痛哭流涕事聞

朝廷照例賜卹入祀忠義祠越十有二年甲戌復奉

旨崇祀昭忠祠世襲雲騎尉公之爲國者勤而國之報

公者亦厚矣公配鮮氏長子榘次子櫟皆茂才榘又以軍功保訓導兼襲世職既奉公歸卽葬公於乾溪漕先人兆恩後學與令嗣交用敢誌其顛末又爲之贊以質於公曰公本儒生志在殺賊殺賊不成以死報國佛山南川縣志

卷十一

文

廿六

之東綦水之上時有靈兮乘雲陟降崇祀昭忠左右聖武俎豆馨香與之終古天恩深厚賜蔭無疆爲公後者當念勿忘敬承先緒俾世澤之孔長

南川縣志

詩選

名吾亭

邑令應士龍

此亭無可名僉曰名吾亭喜雨渾成夢醉翁終未
醒千山對我碧兩眼為誰青一視同今昔浮雲薄
暮停

遊西雲都寺

邑貢生周士忠

行吟不覺遠漸入青冥天犬吠雲邊石人犁樹杪
田身閒僧似佛山靜日如年許結東林約還來種

南川縣志

卷十一 詩

二七

白蓮

九月五日重遊西雲都寺

周士忠

我有愛山癖如登密友堂何曾嫌數見况乃近重
陽流水仍終日征鴻忽兩行得詩持問菊應笑馬
蹄忙

贈貢生韋仕德

邑令喬文錦

大家才藻羨文宗濟美堂開蔭獨隆

時仕德教授於家其子姓

列膠庠者十有九人予為顏其額曰濟美人擬河東應是鳳名齊荀氏

盡為龍校書午夜明藜杖兆慶匡居起腹松奕葉

蜚聲純世德，頌將彩筆豔花封。

登水井山戲題寺壁

邑貢生

鮮與頡

石骨峻嶒碧蘚重，杖藜扶我踏層峰。入天秋樹風

濤壯，帶雨烟霽水墨濃。東澗人歸西澗市，下方雲

吼上方鐘。山僧可識逃禪客，莫遣人間渴酒龍。

登金佛山遊鐵瓦寺二絕

邑令

原敬德

去天尺五轟層峰，盪我茫茫萬古胸。下界陰晴看

倏忽，眼前三百六芙蓉。

人到空濛寂，歷間白雲長。為護松關斷崖幽，壑神

南川縣志

卷七

詩

二八

仙窟不數江南淺，淡山

邑舉人

周伯寅

千佛崖

諸方五味已深諳，要向如來借一龕。五百頭陀呼

不應，彌天花雨落清潭。

蓮花寺石筍

周伯寅

椒葉椒花春復秋，莫將零落問來由。空門自古無

文字，祇有天龍一指頭。

海棠園

周伯寅

黃鵠啣來幾百秋，而今老去更風流。梅花風骨桃

花面合讓癯仙一例收

名花自古如傾國絕少紅顏到白頭舉傳淵材知

此樹肯將佳郡數昌州

遊雲都寺

邑舉人 周率矩

結茅雲外看雲生雲去人間雨復晴滿院西風黃

葉下僧房時有落棋聲

盤江坡歌

爲邑楊烈婦作 邑進士 周立瑛

盤江之山風勁烈盤江之泉水清潔我聞烈婦死

節時天寒六月欲飛雪節婦生本西蜀人隨夫入

南川縣志

卷十一 詩

十九

黔心和悅歷盡關山風雨寒百年相期死同穴夫

忽亡子又幼一身嘆孤才十指自營生活計豪門

富貴心不屑忽有狂夫狂欲奪節婦節婦之顏

美如玉節婦之心堅似鐵任爾掉盡三寸舌此身

可殺心不折狂奴強掠至中途衷懷難訴嘗蘊結

四顧茫茫天地窄愁雲欲墜山欲裂日光黯淡樹

色昏萬木悲號風淒切疾聲呼天天不聞輕身投

澗真勇決驛卒羣起縛狂奴狂奴伏罪憤堪泄更

喜

朝廷闡幽光路旁大字樹碑碣世間多少紅顏婦死如
鴻毛空飄瞥君不見盤江之石數點血風雨摧剝
不能滅

杭節婦題詞

邑令 魏 崧

入港帶娘殉投潭捐軀烈阿姑心彌傷祧食亦斬
血堂堂杭母吳護蘭藉扶絜雞鳴星爛時提瓶泚
清冽案齊德曜眉佐餒甘旨潔青年鸞飛分押不
蘆莫掇誓欲殉泉臺滌瀧毋乃缺矧是藐諸孤呱
呱潼罔醜兩世一身肩靡他矢志決從茲未亡人

南川縣志

卷士

詩

三十

听夕茹冰檠柔滑躬潔馨盤餐江魚列午夜丸和
熊時聞機聲裂倘生男子身晉嬰漢蘇節淒淒廿
年霜凜凜卅載雪馥馥堦前芝巍巍中楔哲嗣
廬陵儔幽光陶歐埒浩歌杭母貞愧他鬚眉傑

杭節婦題詞

邑教諭 楊繼忠

白氣衝天烈風起此身從亡地下矣回首呱呱兒
正啼老姑呻吟待甘旨殉節守節路兩條婉轉躄
躄是中是代郎養母母顏温代郎撫孤孤有恃茹
苦含辛祇自知旁人勸勉休聒耳飽歷冰霜五十

年子孫昌熾耀閭里

龍章炳炳旌里

貞魂應色喜噫吁噓逍遙公者彼何人富貴墮

為轉徙從知巾幗勝鬚眉香名萬古昭彤史

曉望金山

邑教諭張謹度

山勢如文勢離奇奪化工路迷青靄外雲起翠微
中歲冷鶯花寂才疎天地空何時招白鶴長嘯入
崆峒

金佛晚霞

張謹度

確是天台路龍標炫赤城愚公多恣肆移取到南

南川縣志

卷十一 詩

二十一

平

孝婦湧泉

匹婦猶全孝臨流涕漣泉聲時瀉瀉如誦蓼莪

篇

聖水三潮

時聞聖水奇執素尋雙鯉潮急不西流深心落江

水

石池卧象

清池藏石象巨齒護蒼苔得為焚身戒千秋不起

來

合溪印月

溪合月亦合月圓溪不圓千潭印明月明月在青天

古渡流金

至寶不埋光精華浮點點無人古渡頭何日披沙揀

白霧晴嵐

旭日上晴峰嵐光吞白霧巖巖鎮八荒斬絕去來

南川縣志

卷上

詩

卅二

路

徧佛晨鐘

大叩驚天地荒隅負此聲黃梁初醒後星斗落山城

金佛晚霞

邑舉人 康作霖

形勝無可名嵯峨矗雲際年年秋風來日夕多佳氣誰把牟尼珠最高峰頭寄放出大光明霞色滿天地

孝婦湧泉

采蘋南澗濱清流何瀾瀾孝婦留遺踪宛在水中
泚此泉長不涸斯人終未死飲水倘思源定有聞
風起

聖水三潮

汨汨其來時奔流勢奮迅曾得聖之清澄澈開寶
鏡源頭何處尋人疑海門近日日看潮生天地存
大信

石池卧象

曲池傍城隍盈盈水一泚黑石大於牛龐然具形

南川縣志

卷士

詩

卅三

體幾時渡河來長卧碧甃裏安得黃初平叱之隨
羊起

合溪印月

雙溪匯成渠一色淨如洗好風吹月來影落碧潭
裏皎皎白玉盤呈出明珠子是色亦是空云云浪
不起

古渡流金

我聞獨孤園黃金飾滿地茫茫野水濱瑩光騰
氣九紫間十赤一望渺無際試問喚渡人可有神

沙意

白霧晴嵐

雨山不肯明晴山不肯暗陰陽變態中面目分濃
淡如何日常空烟霧彌霄漢窈窕復冥冥天風吹
不斷

徧佛晨鐘

登高發長嘯谷響眾山應誰敲上方鐘歷歷生遠
聽巖城夜向晨芸芸旦氣靜幾人醉夢中湛然見
本性

南川縣志

卷士詩

三四

金佛晚霞

邑舉人袁藹如

晚鐘敲罷老僧閒萬丈明霞縹緲間欲見金身親
說法匆匆又被白雲關

孝婦湧泉

一片精誠感百靈泉聲千載漱芳馨題詩當作閨
箴讀說與人問婦女聽

聖水三潮

潮來潮落幾時閒一線分來在此間何必錢塘江
上去朝朝三度看銀山

石池卧象

一鼻彎環卧小池蓮台說法爾應知如何今日
酣睡頑性由來竟不移

合溪印月

兩水交流幾許深金波蕩漾夜沈沈嫦娥應解分
身法寶鏡雙懸照水心

古渡流金

寶氣分明一水隈貧人渡此笑顏開我今久已床
頭盡底事不流點滴來

南川縣志

卷七 詩

三五

白霧晴嵐

遠山蒼翠接高城曉日瞳瞳霧氣生擬躡屐登
絕頂白雲堆裏看新晴

徧佛晨鐘

不必談元說苦空不須捧喝醒愚蒙喚回多少繁
華夢都在僧樓一撞中

秋晚望白霧坪諸山

黑雲壓四山隱隱露螺髻茅屋火微明可望不可
卽暮禽噪竹林幽蟲聲唧唧獨余淡無言一燈生

寒夕

豐年歌 并叙

邑拔貢謝鳴謙

郅治之世民和年豐今道光元年秋更大熟雨露之及於偏隅者誠靡有涯也因誌以詩

南山之南北山北良田可墾泉可資衣租衣稅欣有託耕桑猶得報明時况自高曾逮我身疇食德世於茲生爲

盛世士與農藜藿雖粗甘如飴但見芳郊雨歇後蒸梨炊黍餉東菑青笠綠簑叱犢叟斜陽古木祈蠶祠

南川縣志

卷十一 詩

三六

春疇耦耕夏耦耘歌聲秧鼓相娛嬉今年稻苗高過人猶說去年盛於斯種穫百有五十日一晴一雨恐愆期金飈淡淡吹人衣晚涼觀稼一筇持介我黍稷盈我庾穀我士女觀我頤螟螣已銷炎火畀篝車不待甌窶祈農夫之慶曾孫喜

九重動色保介咨太史書雲占大有珥筆敬進豐年詩詎識田家多背樂都煩

聖人宵旰思

大家玉食何厪念豳風圖與無逸辭溥以井養受以

持盈保泰臻重熙豈無木饑與水毀陰陽調燮燥
濕宜君不見螻蟻感德而無補蚩氓戴天而不知
書生竊愧涓涖報庇身長願仰

皇羲

西崖晚眺

萬樹蟬鳴日落遲秋聲秋色滿山時牧童何處歸
來晚慣在烟中捲葉吹

春日青雲書齋

十里春晴望眼賒清溪流盡遠山斜小橋幾疊花

南川縣志

卷十一 詩

三七

千樹二月棠梨燕子家

中峰日上散溪烟人在蓬萊絕頂間我傲桃源山
萬仞此中雞犬欲升天

宿洹山寺

森森翠柏欲成行彌勒龕中透影涼滿院月來清
課後不聞香處亦聞香

龍濟橋

邑貢生 徐作式

南平西望路迢迢發軔如經駟馬橋一道征塵連
雁齒四圍山色襯虹腰杠梁信有無窮澤鱗爪何

容著意描自此雲從古既濟歸平猶聽帶江湖
咏徧佛寺牡丹和甘舟之
邑廩生 應均

無此名花不算春移來坐上想于神文章華省推
冠冕門第東皇署縉紳感遇漫誇金谷客呈材應
號玉堂人樓台富貴標佳咏絕似先生自寫真

雲都寺望月

楊榮封 富三

雲欲驅月行月故遲一步月欲爭雲先雲不與之
路清風時一吹光輝千里布但勵君子操何嫌小
人妬

川縣志 卷十一 詩

三十八

雲都寺晚眺

楊榮封 富三

爽氣逼人坐歎烟不肯平斷虹殘照影落葉九秋
聲水鳥投沙宿山鐘出寺鳴西風一橫笛吹月下

江城

題陳節婦楊儒人坊

楊榮封 富三

女貞一樹飽含霜地老天荒人未亡三十餘年悲
鵠影百千萬里荷

龍光即今華表留芳躅剩有丹心捧太陽漫道冰操堅
似石瓣香分得是鱣堂

恭和

韋杰生紫航

聖製木蘭園獵詩

萬馬嘶風旆

龍旂識

聖顏鳥飛銀海外春度玉門關一發前禽獲三驅四牡閑

寰中孚化久示禮及諸蠻

帳殿鬱清荒從天下朔方牽羊新附虜前馬舊降

王箭中青城鶴威嚴紫塞霜側聞諸部落歲歲問

天皇

南川縣志

卷十一 詩

三九

恭和

聖製元宵聽雨詩

韋杰生

便抱祈年意春燈樂事賡偶隨金粟降如聽管絃

聲太史書雲物游人重月明

九重

恩澤普綠野正躬耕

醉後直寓白髮青燈更嚴漏永偶萌鄉思成七絕

二章

韋杰生

大羅天上溷仙班猶是諸生舊日閒

禁院森嚴沉鎖鑰，夢魂飛不到人間。

六十書生上鳳池，人間回首耐相思。巖扉掩映泥

金紫，一樣日光晚照時。原注金佛晚霞為南川八景之一

贈南川韋紫航 潘世恩 芝軒

丹陛趨承蔗境殊，金山百鍊冶洪鑪。巖巖氣象鬚

眉活，一幅霞光晚照圖。紫航南川人，因談金佛晚霞之奇，故有是贈。

山光日影燦天葩，赤壁丹巖鬥晚霞。聞說黃昏無

限好，肯教終被白雲遮。時官刑部

四十八渡 邑人 周伯寅 鶴田

南川縣志 卷三 詩 四十

清流屈曲走驚蛇，夾岸陰崖錯虎牙。一渡一溪三

百步，誤從溪口問桃花。

石牛洞

不知朝市不知季，尺地居然二頃田。間煞石牛何

處去，白雲深鎖洞中天。

徐勉茲明府，重修隆化書院。乙亥 周士岳 篔簹谷

循吏龔黃匹菁莪，首究圖烹鮮。雖小試，造士實良

謨。匹馬程初歇，宏文澤用敷。傾囊增藝圃，集腋廣

書厨。為拓崔儵寶，因招沈約徒。堂皇成矢棘，踴躍

效鳧趨高朕追芳躅文翁肇遠模分金求八索度
硯寫三都象著鳴陰鶴情同在藻鳧鎔材真鑄冶
問字競提壺砥礪山多石方員水盈盂薪慙心自
切踣蹠手能扶揆翳防捫舌和聲莫濫芋勗哉虧
一簣行矣反三隅雨化滋新諦雷同謝故吾崇朝
看祓濯回首愧荒蕪甄別冰霜厲恩膏雨露濡倉
儲分白粲笥篋散青蚨種得昆山玉收來合浦珠
三塲羅竹箭一網盡珊瑚芹藻欣連茹膠庠美唱
于香纜築壁水路又迎天衢戢戢龍門鯉昂昂洛

南川縣志

卷十一

詩

四一

水駒明年丹桂發攀折聽歡呼

重遊太平寺

周立綸 栞泉

尋春又度碧山巔回首初來十二年兩鬢成霜人
老矣諸峯如畫景依然鼓鐘聲徹層霄裏桃李花
明夕照邊一二朋儕閒話从晚歸沿路踏蒼煙

周立綸 栞泉

遊雲都寺避暑

登臨風味我曾貪每約朋儕至再三半嶺松濤疑
作雨羣峯霞彩忽成嵐蘭香入座芳心遠蕉葉當
窗綠意酣漫說懶殘煨芋熟十年卿相我何堪

望九透山

周立椿 篁村

烟濛濛雨濛濛何處飛來倚碧空石壁張列城之
東突然峭壁摩蒼穹雲蒸霞蔚碧玲瓏陰晴倏忽
眩雙瞳但令懷古發幽衷君不見太白讀書匡山
中名山著述萬古同吾聞四十八渡路潛通何不
穿雲鑿石卜築蓬萊宮長吟俯嘯追天風不然便
是神仙山可望不可即千秋萬世惟有楓葉夕陽
紅烟霞誰作主人翁

九日偕同人游東嶽廟

周立椿

石磴盤行鳥篆纖破苔雙屐綠痕粘坐饒白髮揮
談塵天放黃花壓帽檐雨後山容彌瘦勁醉來詩
律更森嚴諸公共借長風便一路扶搖萬笏尖
昨宵猶記雨纖纖剩得寒雲兩袖粘萬里晴開丹
作壁一樓烟繞碧飛檐心因愛菊功名淡佛為拈
花法戒嚴莫摘茱萸簪兩鬢十分秋意上眉尖
望金佛山戊寅在隆化書院作
周士岳 篁谷
不用玲瓏闔好峰扶輿磅礴此為宗石蟠窟宅藏
霖雨松作波濤起卧龍天霽每霑清露早身閒自

愛白雲封兒孫羅列知多少偏數千重更萬重

望九逸山

周澍章

茂東諸生

竭來九逸駐花驄招得烟巒到眼中峭壁雲封千

仞碧斜陽楓冷半林紅雁行歷亂迷晴嶂鴉點零

星墜晚峯踏遍齊州烟九點此行應不負雙瞳

壬申客吳門讀周石書近詩

張問陶 船山

頻年才退筆無神大喜狂歌有替人儘我寒燈歸

白社望君飛屩踏紅塵生來逸氣誰能滅老去情

懷倍可親大海游蹤他日倦壇花休息結仙鄰

南川縣志

卷十二 詩

四四

杭節母詩

李惺 西澗

愁雲捲樹罡風急搖撼山靈色戰栗延陵有女抱

孤啼天帝動容神姥泣大力拉朽堅摧枯禹航門

第誰爲扶鵠寡鸞離忍不顧勉撫弱息承孀姑蕙

帷風起銀燈暗課兒應有歸魂伴機頭綜影碧穆

穆常帶貞松青一半越年廿一心猶初俄驚鶴弔

赴庭除苦節

上聞

天顏霽

聖恩特詔輝門閭

恩風習習自

天下吹來貞泉漱清瀉盛滴研墨播徽音特筆留侯系
風者

偶讀周篁村時藝

石彥恬麟士

時套文章土上塵漫無才識敢言真平生我見周
夫子陡筆摩空但寫神

豫章七載人纔識橙木三年便是材白髮相逢雙
劍合聽君斫地爲君哀

南川縣志

卷十一 詩

四五

增修南川縣志

外紀門

佛自西漢明帝始入中夏逮典午時建寺甚盛後世惑因果之說者數舍宅以奉之程子所謂佛氏之學比之楊墨彌近理而害尤甚也儒者故外之第自六朝以後方外亦多英異士寺觀或名山勝水古蹟留遺或曲徑禪房高人游憩烏可竟外之而不備紀歟他若事與物雖在邑以外與意計以外而苟有關於南邑者亦以類附旃

南川縣志

卷三

祥異

又四五

祥異

通志雍正元年秋九月南川縣產嘉禾一本十二莖一莖三穗

舊志載治東鐵佛寺鑄鐵佛六內有鐵佛三座當夏時佛頂及胸前汗流寸許不崇朝而雨降居民以之卜雨焉

起鳳橋上游一穴常乾春泉發魚從中出肉味甚佳魚多則歲歉魚少則年豐

乾隆丙午邑周士灃士壽立矩兄弟叔姪同領鄉

薦先灃以拔貢朝考任中江教諭士壽立矩隨任
肄業其年中江泮池荷花新開三朶鮮艷異常僉
謂是邑科甲之兆及放榜萃於學師一門
嘉慶甲戌年竹笋冬生

道光九年己丑前村溝教匪之變在籍把總王揚
廷奉縣令張公瑞翰檄往剿正月初三夜天形中
分半明如晝半黑如漆翼午謀報是日殲賊大半
越數日凱旋

道光十八年己亥夏羅洞坪場演戲青天無雲忽

霹靂一聲震擊十八人立斃九人又拋數人於廟
外其人不自知

道光十八年己亥穀將熟蟲時早收者免遲者損
半次年大熟

道光二十年庚子豺狼傷人獵戶以藥毒之始息

道光二十二年壬寅邑產嘉禾一莖雙穗或三穗

道光二十七年八月二十六日戌時天裂一縫有

光如電射地移時始合

道光三十年己酉秋月重輪一大一小大者如常

小者色全碧

咸豐三年民婦臨募產卵六枚大倍鵝卵破一枚中伏小蛇數頭

咸豐四年甲寅冬月初五日地震從南路陳家場起毀廟宇民房墳墓壓斃人畜無算自是或日一震或日數震或數日一震數十日一震震時如有物由地中行至次冬始息

咸豐庚申辛酉間桃李冬華壬戌桐樹結大刀柄長尺餘

南川縣志

卷十一

祥異

四七

咸豐十一年辛酉秋甘露降食之味若醴在治北十五里鳳頂山紅豆樹樹數百年物矣山人於此禱雨甚靈邑人余際雲作甘露頌云豈弟君子政簡刑清甘棠遺愛南國化行天降膏露綴樹晶瑩甘若泉醴湛若星明見所未見名無能名儒生雀躍乃歌載賡

咸豐十一年辛酉春先農壇池水紅如血是秋髮賊大股由黔躡南冬池水復紅次年春髮逆又至咸豐辛酉年四月彗星見西北燄燭東南七月髮

匪由南路入萬盛場進逼城三日官兵至敗走
咸豐辛酉年夏青蠅數百萬飛集西關外霍姓宅
牆垣悉滿三日始散

同治元年壬戌二月彗星見三月二十日髮匪自
西路入寇五日官兵追敗之遂竄綦江

同治元年壬戌四月初二日辰刻賊至小河壩場
焚謝璜宅璜率家人避四平砦有蝴蝶無算自烟
燄中來由砦飛過栢枝壩排空如雁序色皆白狀
如錢蔽天遮日至次日午末時始稀是日賊圍砦

砦中未損一人

咸豐七年萬盛場火自夜達旦炎燄冲天時人
見空際有燈一對上下滅明不定

同治壬戌髮賊將擾萬盛場之前鄧卓南家有物
似蛇非蛇蟠踞書樓上移時不見

同治三年甲子歲大饑

同治七年有野豬自金佛山下形似家豬行如飛
牙如利刃戕物以喙巢於巖不常出出或獨行或
三五作隊村人擊銅鑼逐之不敢近

同治十年辛未六月二十三日大風邑西大木多拔禾稼無傷歲仍稔

同治十年辛未十月朔徹夜雪深三尺自是每月朔皆大雪至次年三月朔稍減是年大豐

同治十一年壬申五月朔大風自巴江洛磧起西北三縣數百里大木多拔禾稼無傷歲大熟

王國藩妻段氏鬚長寸餘

吳安廣妻 氏一產三男

陳 某妻 氏身有四乳

南川縣志

卷十二

祥異

四九

豐里某家一婢畜之十餘年已遣嫁矣一日化為男為

光緒元年秋彗星見西北

光緒元年桐樹結大刀三柄柄長數尺

補遺

咸豐六年丙辰八月十六日大雨自午初至四更

水暴漲浪立如山西南帶一河道橋梁多圯沿河民

房寺觀存者無幾水由金山紅荷溝巖洞發出夜

半有物浮水面眼光如炬雷電隨其後四山林木

皆拔咸疑為蛟

道光十三年癸巳三月十三夜大雨雹邑南與棊接壤等處徃徃巨踰鵝卵毀傷民居禾苗園蔬林木無數

道光十五年乙未四月十九日未刻天鼓鳴邑南與棊接壤等處民多聞之是秋八月望後彗星見於西北

道光二十年庚子米價騰貴大饑二十一年辛丑禾稼被虫害民苦無收按庚子辛丑間民艱於生計至有掘泥充饑者時號爲觀音粉

道光二十二年癸卯二月望後彗星見

咸豐十一年辛酉六月彗星見於西北十餘日乃滅是年邑路石上見墨色線痕如木引繩然有謂見痕處必遭賊有謂不見痕處必遭賊互爭無定後竟有驗有不驗

仙釋

何 標明方士有異術治東龍現橋三泉洞禱雨
標入洞騎龍出嫂見疾呼龍遽返洞壁遂合嫂
亦能術煉三雞卵打壁開泉流今洞孔猶存
丁道亨乾隆間人爲人純篤中年棄儒學道凡祈
禱必欠精誠沒後降神於邑之東鄉壩興隆場
等處藉叩休咎屢著靈異

僧寂參頗嫻釋典尤立志濟人橋梁道路經手擘
畫而成者不下十餘處當嘿野僧住聖水寺時

南川縣志

卷十二 仙釋

五十一

經年不發一語參往謁忽謂之曰我來早爾來
遲殆亦戒定慧中人歟

僧心法守皈戒喜布施邑中古刹多所培修於未
坐脫之先囑其徒曰我於某日當往某地汝等
其善守衣鉢勿墜宗風屆期沐浴披衲焚香誦
佛端坐而逝

僧海映乾隆初住青山迴龍寺修持五十年嘉慶
丙寅里有熊氏婦携女至寺焚香僧招女項次
年至仍招之三年女不果來僧驚問氏以年長

辭僧大呼曰惜哉汝女死矣氏詢故僧謂女項
上有縊紋三業斷二歸視女必縊死氏歸家如
言僧坐脫年八十九

僧了然海峽徒尙清修培補陳家場萬天宮坐巴
邑蓮花堂方丈八十五歲涅槃日有人自隔頭
溪見僧持巾扇步履甚速驚詢之稱由迴龍赴
萬天宮及往叩未見少頃報自迴龍坐脫矣釋
氏謂出神飛昇於此僧髣髴見之

附錄

僧全惠住邑白雲山金竹寺沈靜寡言樂行善
事道光三十年前令魏崧創設義卷惠將二
百石租業捐助獎以深明佛理額

僧道元明季人因乏嗣變宅爲菴名白雲寺在
寺披剃並捐三十石租業永作城內廟祀田

僧照霞住邑興福寺喜布施南涪接壤地名閣
口河兩山夾溪土著架木板渡人水暴漲溺
斃者甚眾僧憐之集里隣議易虹橋費甚巨
適邑人金玉音過此慨然助錢一千一百六

十緝倡捐僧闕亦助錢八伯緝於是好善之士紛然樂輸詳義舉

僧心朝年五歲祝髮於邑銅坎寺道光九年往巴縣華巖寺受三壇法戒每日禮佛外惟捻珠誦經垂簾靜坐後遍游諸方叢林參悟禪旨常以藥石濟人同治七年坐天心堂方丈現年七十二歲

南川縣志

寺觀

普澤寺

在北郭外宋建明成化間重修翠栢十霄青篋繞屋饒有出塵之致殿中題額甚多

而字法莊嚴莫如大雄寶殿四字筆勢圓勁莫如圓通法界四字好游者每登臨焉

報恩寺

治東東華蓉山下順治十七年創建雍正元年建經樓五間知縣王國定題其額曰

慈雲樓

中興寺

治東六十里龍巖江邊嘉慶七年建

福壽寺

治東七十里

龍泉寺

治東水井山上崇禎元年創建乾隆五十五年補修嘉慶二年又於殿後蓋屋三間

南川縣志

卷三

寺觀

五四

供奉觀音大士鐘磬之音響通天座人跡罕到但有白雲往來而已

雲都寺

在治東龍尾城山嘉慶九年建

鐵佛寺

治東冠岌山下明正德三年僧洪喜創修名香雲寺鑄鐵佛六香爐一爐上鑄大字

云明月禪關蓋此地在前明時有龍門溝明月關之名

平安寺

治東一百八十里

洛延寺

治東八十里

隆興寺

治東一百八十里

真武觀

治東一百八十里

西來寺

治東一百八十里

向天寺

治東一百六十里

大佛寺

治東一百八十里

萬壽寺

治南四十里明萬曆六年建乾隆九年重修其山下有泉多產靈龜

桶井寺

治南六十里

石道寺

治南四十里

飛爐寺

治南一百六十里

古佛寺

治南一百里

東林寺

治南一百里

毘盧寺

治南一百里

南川縣志

卷三

寺觀

五十五

觀音寺

治南十里

金像寺

治南二十里

藍山寺

治南一百里

正覺寺

治南八十里

泥馬廟

治南一百二十里

寶相寺

治南六十里

鶴林寺

治南五十里古樹參天形勢蜿蜒前有鶴樓故名

金竹寺

治南四十里地勢宏敞法相莊嚴為邑寺冠

天台寺

治南黃蜂洞東十里建自明季今廢寺前有瀑流高二十丈即柏枝溪源也

順水寺 治南八里

桃李臺 治南一百里

復興廟 治南一百里

玉皇觀 治南一百里

新開寺 治南九里

楊柳寺 治南一百里

幫巖寺 治南一百里

松峰寺 治南九里

洪恩寺 治南三十里

南川縣志 卷三 寺觀

洪春寺 治南一百里

東嶽廟 治西二里明萬曆二十九年建神像奇古森巖可畏春秋賽社遠邇咸集

白雲寺 治西十五里

龍王廟 治西五里康熙五十三年建知縣張有孚置有祭田為今官府往來迎送之所

清平寺 治西七十里山不甚高而峰迴嶺複無不層疊如畫其東望極遠處有彷彿空中樓閣金碧爭輝者金佛水井諸山也於天空日

文昌閣 治西觀音橋萬壽宮後三面翠水竹樹參差春夏之交別有天地石刻放生池三字

香爐寺 治西五里建自明正德間因掘土得巨石爐故名

雲都寺 治西獅子峰憑高眺遠曠無障醫霜天月夜鐘聲聞數十里其地勢巖然也

中江寺

治西七十里明建僧寂參重修

洹山寺

治西一百四十里明成化間建乾隆年間重修其地幽靜邑中人士多於此讀書

白淨室寺

治西三十里

福慧寺

治西四十里

雲際寺

在西華蓉山明天順七年建

上清涼寺

治西一百一十五里

下清涼寺

治西一百一十五里

千佛寺

治西北九臺山寺後巨石刻佛像千餘

永佛寺

治西四十里明萬厯間建

南川縣志

卷三

華藏寺

治西九十里

普照寺

治西一百一十里

龍台寺

治西一百二十里

金冠寺

治西一百四十里

黃楊寺

治西一百一十里

竹垵寺

治西八十里

健筆寺

治西九十里

真如寺

治西六十里創自前明有古鐘聲大而遠明天順時所鑄也

河圖廟

治西北七十里廟前小溪曲流如太極名建自明洪化間有甘泉出栢根下可飲

療疾好事者
此之橋井云

迴龍寺

距河圖廟二里溪水環之在河之湄而宛
在水中央矣溪邊一石穴中有巨魚長丈

許鱗甲皆黃色數
年一出人偶見之

明月寺

治北
十里

安山寺

治北七十里寺後經
樓數層可以眺遠

洪巖寺

治北八十里寺前有養生池道
光戊戌里人曾星益等捐修

法華寺

治北
九里

大興寺

治北
九里

靈音寺

治北
七里

南川縣志

卷三

寺觀

五十八

三教寺

治北
六里

金華寺

治北
五里

石洞寺

治北
八里

莎草寺

治北
六里

福興寺

治北
五里

清寧寺

治北
三里

龍興寺

治北
三里

淨石寺

在金佛山西南寺前
有天生橋石笋諸勝

鳳凰寺

金佛山清涼頂下傳自明代
創建今廢近寺有九曲河

蓮花寺

金佛山東最高處建自明季今廢尚存椒樹數十株大者合抱有石笋矗立寺前山下數十里外

省望見之

鐵瓦寺

金佛山西最高處建自明季今僅存瓦屋數楹耳按金佛在前明時梵宇之多不可勝數而鳳凰蓮花鐵瓦三寺其尤著者兵燹之後強半零落聊為採錄一二亦足資騷人助古之一云

助云

雲從寺

治址七十里

出碑石於泥中上存宋御史韓玳結之墓八字餘
皆泐滅無所考據父老云墓九棺結弟兄九人均
瘞此又邑南三十里土門壩有羅尚書墓碑載尚
書諱立政配蔣氏誥命一品夫人等字亦未詳何
時人姑存其畧俟考

同治九年春龔紹鼎家厨缸大小各一一日大缸水
見花酷肖牡丹朶大如盤色純白瓣分數層枝莖
畢具見時水色淡紅如旭日初照四隅四朶微殺
中一朶稍大小缸水見絲色淡黃如金線細密精

緻天然組織見時與缸花互相先後始由一縷漸
至纒纒糾縵團結勻圓缸水通赤如餘霞蒲天移
時始散散後水色如常食之仍無異

距邑北十里許地名銅鼓塘側一洞口極狹中有樂
器存焉鐃鉢檀板鐸鈴笛鼓俱全不識何代物奏
之殷音如常但不可携出如携出即迷不得路
邑之石牛溪場劉合興家蓄一犬產數子其鄰陳福
興携一頭蹄飼以飯犬餘半以待其母母犬未至
必往尋食之如是者累年人以爲孝犬

同治元年三月髮賊之亂烈婦楊士品妻周氏被賊
殺於途犬守屍數日不食不去

邑人吳奎者素負勇力一日黎明聞子驚呼聲急
起披衣執木棖往視久不歸隣異之呼子姪共偵
見奎與一物互踣兩手握其兩耳抵死撐拒諦視
之豹也豹欲逸不得奎欲釋不敢齊聲吼之豹懼
奎乘勢盡力一推豹倒跌下坎頃復起欲噬奎奎
以木棖迎擊中腦幾斃象趨至攢斃之奎始呼疼
蓋撐拒時豹已傷其左腿扶歸數月愈自是不敢

以力逞

南邑向無豺患道光甲辰夏某公宰南始一巨豺出
噬人人戒避之以養以生漸至結隊成羣數以千
計散布四山搜索吞噬鄉人有乳子於懷或負在
背爲所奪去者有母執炊子牽衣暴入牽啣去者
有晨起啟門攫去而家人不知者有晚歸在道撲
殺而同行無敢禦者或斷首殘肢或餘指隻手鮮
血淋漓狼藉草際邑人以其無辜懼此慘毒不得
已醮金建會祈禱山靈而愈噬愈橫山靈亦不可

制後有善獵者以藥箭射殺巨豺中脰巨豺斃衆
豺漸斂跡或謂十年之災祛於一旦得毋氣數使
然歟至今談及猶爲色變

同治七年戊辰豺患又作與前無異逼近城濠每城
閉丐兒寄城門宿多被噬居民不敢捕捕必撲殺
其人漸至族愈繁行愈橫吞噬愈夥出入愈無忌
憚善獵者亦斂手是年夏縣令劉敬業甫下車榜
示通衢令四鄉搜捕閱數日扛一豺至又數日扛
數豺至患雖未盡除不敢公然爲惡矣

山右王公臣福令南川凡七年威信結民心公卒
邑有譁傳其爲城隍神者固不足信同治壬申年
鄉民某以事入城至東街倏仆地面如土灰拽之
起忽張目狂叫如有所見已復奔走衆不能遏尾
之至城隍祠長跪神前口譙譙呼王公不置俄而
怒罵聲呵殿聲喝杖聲痛苦哀鳴聲悉自某口出
時祠正演戲衆目聚觀祠首某某代爲求免始能
起蹣跚出廟去

江帆閣詩鈔邑人周立矩石書作也石書在京邸

與洪稚存趙甌北張船山諸名士唱和名其集曰
江帆閣又曰松風閣集中古體視近體差健而澄
海樓放歌一篇尤推傑出以體例未符未便彙入
藝文然劍氣珠光何忍聽其湮沒其詞曰人海卅
年何擾擾使人不得開懷抱忽然萬里豁雙眸縹
緲飛樓倚天表樓頭一望空無礙放眼直出青天
外茫茫大地果是一稊米盈天地間一水耳一島
一洲一國土百千萬國如碁布想縱處望中原亦
祇一髮波濤間日出霞紅波照耀濤頭出沒金銀

山百寶生其中日月出其裏不知日月之外更有
幾萬里眼光到處青濛濛我欲御風逕造咸池東
快睹蒼蒼盡處是何物捫參歷井遊蒼穹一杯復
一杯鈞天樂奏天風來龍吟鼉吼撼絕谷洪鐘巨
磬聲如雷此時快意世未有狂吟掃壁龍蛇走筆
濡蛟宮水把酒問青天瀕洞巨壑無所用何不盡
化爲桑田耕鑿萬古不能盡可使宇宙歷劫無饑
寒蓬瀛方丈諸神山芒鞋竹杖逕可到神仙與世
常往還何用雲濤烟浪隔洶湧禁使不得通人烟

不然海水盡變爲酒泉招邀自古詩狂酒客痛飲
千萬年一消從來窮愁抑鬱同登仙胡爲乎無邊
無底徒爲萬怪窟宅蛟鼉淵擲筆天驚風雨落波
翻浪涌恣噴薄憶我平生汗漫遊烟霞萬里窮寥
廓南浮海舶浴日亭東觀海市蓬萊閣天公有意
教作北溟遊浮家榆塞非飄泊非飄泊且流連兩
間何者非夢幻往古來今惟有海水空連天大笑
世人齷齪塵寰中蠅營蝸鬪無終窮井蛙眼光如
豆大何不來觀大海開心胸吁嗟乎何不來觀大

海開心胸

焚餘草詩草邑人周伯寅鶴田作也鶴田才新學
富著述亦多而文辭尙簡古性耽吟咏因自嫌不
工稿脫卽焚棄門人於灰燼中拾其餘而存之故
斷句殘篇殊少完璧然澄海樓觀日出詩足與
石書競爽彼以雄竒勝此以勁峭稱二詩皆膾炙
人口其詞云上有青天下有碧海風月一樓而我
斯在感滄桑之誕言將上問乎真宰真宰無聲海
無底笑指東方看日起

邑城隍神稱顯佑伯始於前明相傳洪武初江縣
城隍俱封顯佑伯旋去封號按綦志載明神宗
萬歷時見綦城隍司與邑金鷲洞龍神及元天
觀土地在宮救火召封龍為金角老龍王綦城
隍為顯佑伯而土地無聞焉邑城隍神稱顯佑
伯蓋本此

附錄明顯佑伯勅文

奉天承運皇帝詔曰聰明正直浩氣長流於古今
仁愛真誠神道兼司乎民社為陰陽之分任遂感
格以攸昭咨爾四川重慶府綦江縣城隍司主者
膺簡命於

上帝之廷享廟食於邊方之邑理在懲奸威無不赫庇
民福國禱則必通頃以復宮回祿之災遂蒙尊神
救護之力既見形以表異爰訪問以知名用嘉乃
績良慰朕心在昔返江陵之風劉公推異巽成成都
之雨樂氏稱奇然皆事止於救災何若靈彰乎報
主用錫誥命之榮列於信桓之等特晉封為顯佑
伯與世無窮嗚呼德足長人宜列三等之爵功能
衛國當為五服之尊益者明威毋忘寵眷故茲勅
諭想宜
悉知

邑老龍洞碑載宋理宗時龍以致雨救火宮掖封
普濟王又萬歷時救火燕京登膺寵錫綦志所
謂與綦城隍同受封號即此時也乃城隍有誥
而龍王獨無豈有之而燬於兵燹耶前人修志

未暇深考故典籍無傳幸洞碑尚存得資考鏡
金鷲洞龍神相傳明時救火宮掖歸至藁之橫山
變化老人借宿袁洞師家袁殷勤具酒食老人
感其意授以祈禱術約令明年來金鷲洞必有
以報袁弗知其爲龍也次年大旱因憶老人言
率村人至楊村溝訪金鷲洞無知之者一叟自
林間出爲導路林木蒼蔚怪石嵯峨古無人跡
至洞口叟命設香案誦華嚴經擇誠樸四五人
沐浴隨袁步叟後初入時穹窿如廣堂過此或

上或下或廣或狹或曲如旋螺或斜如飲犢每
一洞皆有石佛行止坐卧不一其狀凡歷十餘
層始達龍田田水寒冽澈骨叟畧禱告卽於水
面得紅蝦汲以銀瓶封以紅布仍導從原路出
香猶未燼覓叟展拜叟忽不見眾大駭卽啓行
瓶水泛溢雨如注過黃沙坎雷電交作大雨傾
盆遠近霑足是秋大熟嗣後凡藁南江巴以及
正安桐梓祈禱雨澤非袁不靈因呼爲袁洞師
世世相傳一遵叟教今子孫猶能曲說洞中情

狀云

駱大將軍墓在邑西六十里觀音橋場左碑鐫唐朝勅封鎮夷大將軍駱公世華之墓十五字

舊志職官載趙與邁孫安國茹孝標曹琦史敏孫宋準六人皆南平軍與古南川縣官職於邑無與但列之名宦享祀數百年後人何敢武斷

邑學宮建自明嘉靖四十年歷

國朝嘉慶八年凡九經補修未盡善美十一年知縣蔣作梅復加修葺歷兩寒暑瑰麗商皇燦然大備

南川縣志

卷十二

雜識

六十九

而邑乘亦成自梅手元明以前事蹟失考一切掌故胥自

國朝始梅博採窮蒐集成卷帙按山左進士王培荀

聽雨樓隨筆云梅廣西臨桂人乾隆間少年登第補南川令與諸友就論孟中事作諸體文如康子饋藥有啟蘧伯玉使人於孔子有書請討陳恒有表齊人伐燕有檄其餘銘贊賦頌諸體俱備極才人狡猾之技第恃才而傲後竟歿於藏中居官甚嚴藏中夷人爲立祠

安靖王申鋸蜀王友垓庶四子相傳數世舊志逸
其陵墓所在今始於舊通志得之在成都縣
峯山壘爲增人

節孝王依孺人傳

孺人故滿洲瓜勒嘉氏節婦出子名圖
翰恰納字廷玉出妻今四川南川尹觀君輩
杭出嫂也輩杭早失怙其居官尚清節余
意其得於母訓者深輩杭輒謂佐母敦養
以成立者多出於其嫂曰悼歎於嫂出未食
其報而見背已久也出其哀詞示余且見孺
人出行有大過人者爰為出傳

節孝王依孺人傳

孺人出王依氏王依故長白山族孺人幼明大
義聞父兄言古純臣孝子義士節婦事輒
志於心不忘年十二歸廷玉公姑早卒祖姑
及鰥翁在其夫為瓜勒嘉氏猷子習
國書孺人奉祖姑及翁盡婦職家貧以織
紉佐叔水其夫銳志進取積勞成疾考中
筆政未補官而歿年二十有八孺人時年二十
有二鰥子祖姑先其夫卒堂上一室中一

婦瓜勃嘉氏出緒將於是絕公翁悵孺人苦節
謀以族人子為出後孺人長跪請曰孝莫大於
有後顧為後者必一脉相承擇他人子終非
骨肉不足奉大宗顯翁娶後姑延似續翁
家累仁厚天不絕瓜勃嘉氏必將有子庶一
脉傳於勿替而祖宗靈爽以安公翁方傷其
子固却出孺人請益堅乃從其請娶繼室
生子觀成上生七月而翁歿孺人哀其姑少寡

節孝王依孺人傳

奉養有加亦解其憂者倍至躬操作給
衣曾助其姑撫孤嘗指成謂姑曰瓜勃嘉氏
世盛德他日顯宗緒而充且明哲者於是乎
在蓋深幸其翁出有子以為其姑慰也
成少長勤以讀書明義理成年二十為郡
諸生二十七舉於鄉家貧如故孺人操作亦
如故初孺人因勞得腫疾不愈自逸事輒代
其姑庚辰為成有子而孺人悲感疾益漸

數月卒年八十有四其姑慟謂成曰汝亦知
吾出為汝家婦而生汝後瓜勃嘉氏者事
悉由汝嫂乎今死矣報出德嗟何及矣成
既厚葬孺人復以卽孝請於
朝坊表墓全明而命其子鳳瑞承祀以奠
孺人出靈於地下余唯曲全孝義婦孺所
難孺人懼瓜勃嘉氏出緒中隊而為似續
卒成其志其誠殆通於天矣孺人薨後而

節孝王依孺人傳

有後宜哉

贊曰癯他人子與所生異公翁而宜子惟天所
實此老成出至計何孺人而若是智語云有
志者事竟成蓋瓜勃嘉氏世受其賜而適
以完孺人出志

舊史氏實疏張曰最諱

附錄憶兒時哀詞

憶兒時看兒戲看兒有父遺餅餌

歸問母與嫂吾父在何地母泣未言

垂淚一解

母曰嗟尔兒總角失所恃十子娶汝嫂

中饋出十指兒能三餘讀父書泥塗

南捷芳蘭枯爾嫂五淚紅高堂痛

有翁二解

憶兒時哀詞

掩曉痕慰鰥獸庭前奉甘白房中飯

脫西衣撒冷羅絃琴泣涕請重續一片

孟誠翁感亭 孀媳為翁迎新姑三解

吾人爾門來一見心相契禮在別姑媳情

親宛如弟問年孰為長媳少姑一歲四解

期弄璋偏弄瓦上聲叱上敬馬散為庭

來賀者尔父吞聲哭尔嫂哭可爾思飯

得彌終勝得腹婆安安有華采轉瞬

看結長生果五解

爾父繼生介手 顛心冲上林火香塔上蒼燭

拜香爐中有子可望繼各宗成名

計見當躬乳兒肌膏未老父頭顛白五解

明年一病人膏肓 嬉兒嬉笑真枕愛

抱父如抱娘不知痛父中心傷 飛語惟

爭頃刻光七解

各道殘喘忍京元五解 汝成一塊身淚

憶免時定詞

珠何物差堪擬 雨注梅時冰結霜果

幸望湘江水五解

姑媳茶蒸癩汝 襁褓年三歲書日望汝

學飽癩孤多癩 赤少癩叔得叔癩

叔亦尤少望少 苗秀亦實見宜將本葆

儻爾催耕何有 晚稻昔有韓侍郎為

嫂期素縉今有 胡觀察雲坡為嫂

陳疏稭汝若能得五解 謹乞

殊思馳汝嫂親思固為根嫂思亦非少九解
思撫夫弟觀成作并書

憶兒時哀詞

辨譌

邑與綦舊稱古南平地箸書者每於南平下或州或郡或縣或軍混然無別不知南平不專屬邑與綦正安州亦稱古南平地邑在隋唐曰隆化曰賓化宋復曰隆化皆今南川縣地其時無所謂今南川古南平也渝州志唐貞觀四年渝分南界置南平州南平縣巴縣自爲附郭南平郡十三年廢南平州改南平縣隸渝州南平州縣之設未久卽廢僅存南平故城通志在巴縣東

南川縣志

卷十一

辨譌

一

南二百三十里今綦江對岸南平故城是綦志謂在渝城不十里此巴縣南平不得誤爲綦江南平也後人又有誤以爲南平軍故城者益非按軍之設在宋中葉南平故城則唐初事武德二年置南州南川郡南川縣卽今綦江縣治綦由唐而宋而元凡七百餘年皆曰南川縣時巴渝不復稱南平者亦四百餘年宋元祐五年改南州置南川縣元分蜀重慶路領巴江津南川三縣此皆指古南川與今南川縣迥然各別今

南川縣始僞夏明王珍元至正二十二年珍據蜀易古南川爲綦江以併入古南川之隆化爲今南川今南川與綦江之名於今未改因南平志南平圖經皆燬凡所謂州與縣郡與軍每多轉轄率以古南平地數字概之誤矣

邑本漢江州枳二縣地枳縣故城無知之者邑舊志未載江州則歷歷可指然其說不一有謂在巴縣西北者見後漢書注有謂在重慶府治西者相傳張儀築見方輿記有云漢世郡治卽今

江北廳有云在重慶府城江之南十里故南平城是巴縣志江州故縣南齊永平五年自郡城移治夔溪口後周閔帝改爲江陽縣見寰宇記江津志江陽故縣在縣西夔溪口本江州縣移治南齊末仍移舊治開皇十八年改江陽爲江津縣渝州志江津江北永川璧山巴縣皆漢江州地巴本春秋巴子國都漢置江州縣爲巴郡治後周武成三年改曰巴縣卽杜預所謂巴國江州而長壽涪州鄆都南川皆江州枳縣地蜀

漢昭烈初年以江夏費觀爲太守領江州都督
建興四年丞相亮欲出軍漢中李嚴當知後事
自永安移屯江州因築大城周迴十六里卽今
重慶府城也水經注江州縣有塗山禹所娶山
有禹王及塗后祠邑名枳縣志載邑福六甲龍
見橋東爲漢設枳縣城按渝州志枳縣卽今涪
州治漢爲涪陵縣蜀先主改爲郡領漢平等縣
晉永和中移治漢復城宋省齊復置涪陵郡周
廢枳縣仍移郡治漢平隋開皇初郡廢後改置

南川縣志

卷十一

辨譌

三

涪陵縣唐武德初置州天寶初改稱郡又析置
武陵縣元至正二十年省入州涪州志漢枳縣
屬巴郡水經注江水東至黎鄉厯雞鳴峽南岸
有枳縣治晉永興元年李雄據蜀後枳縣荒廢
桓溫定蜀別立枳縣於涪治東北十里周武帝
保定四年涪陵守領田思鶴歸化於故枳城立
涪陵鎮其漢平縣在涪州東北二十里漢枳縣
地蜀漢建興中置屬涪陵郡後改涪陵縣卽今
涪州治武龍縣在涪州東南百七十里漢涪陵

枳縣二地屬巴郡據此凡涪陵郡漢平縣武龍縣皆漢枳縣地枳在春秋時本巴國秦屬巴郡置枳縣巴志云巴子之時陵墓多在枳古人葬不越鄉陵墓在枳其國必在枳史記蘇代曰楚得枳而國亡是也寰宇記枳縣城在巴縣東北一百十五里枳之在巴在涪皆各有其地可指邑云龍見橋東於古無徵未可憑信存疑

三溪廢縣一統志載在南川縣東南唐置屬渝州以縣內有熨溪東溪葛溪三溪匯流爲名按唐

武德二年置南州南川郡南川縣三年改曰熨州尋復此卽古南川縣非今南川縣也古南川實今綦江今南川卽今縣治舊志以古南川誤爲今南川且以南州州字誤爲南川川字三溪實隸古南川其廢置與今南川無涉邑前志誤載

南川故縣舊唐書先天元年改隆陽爲南川宋志皇祐五年以南州置南川縣此唐之南川縣輿地紀勝今之南川在唐之南川縣東四百六十

里與唐之南川屹然兩縣舊志隆化故縣注有今之南川唐之賓化唐之南川今之綦江何可援唐之南川縣爲今之南川縣耶

按舊志沿革縣有南江發源夷獠之界衆溪會合由三溪口至綦市又至南江口流入大江此名縣之由見名勝紀府志載入今南川省志因之不知所云南江者綦河也所云綦市者卽綦江縣治衆溪會合至南江口入大江綦之水道也此古南川之所得名於今南

川無與

綦南壤地相接名復先後一揆按唐武德二年置南州南川郡南川縣南川之名自唐至元皆屬綦江其時初無所謂今南川也隆化也唐貞觀十一年分置隆化縣先天二年改曰賓化宋初復曰隆化元史至正十二年冬省隆化入南川縣是今南川且併入綦地此南川與南川之所以合而一也今南川之名則至明玉珍始至正二十三年珍據蜀僭號改元立都易古南川爲

綦江縣又以併入古南川之隆化爲今南川縣
此南川與南川之所以歧而二也地理志南川
縣在重慶府東南明史洪武十年五月省入綦
江十三年復置此南川與南川之所以再合再
歧也自兵燹後文獻無徵採訪者僅得於茫茫
墜緒之餘拾其斷簡殘篇據爲典實其間廢置
分併攪擾不清或綦地而移載南川或南地而
移載綦江一誤再誤以訛傳訛鮮不蹈昔人爭
墩之誚

邑舊稱古南平軍地此五字大有分曉不知直者以
爲南平軍誤矣南平軍查自熙寧七年招收西
南蕃部始設於銅佛壩嘉熙三年移軍來治至
正二十二年廢軍及隆化縣改置今南川縣夫
旣移之廢之也又何有軍之名軍衆也周禮地
官五師爲軍又軍禮也春官大宗伯以軍禮平
邦國謂威其不協僭差者又師所駐曰軍古人
有功則稱軍宋以熊本平木斗亂建之以彰功
績宋之軍與今之直隸州將若武太武康武安

等軍兵邑去銅佛壩數十里之遙旋移旋廢已
爲陳迹今既改置爲縣竊以爲稱係古南平軍
地則可稱古南平軍則不可

邑古蹟無多舊志載西心坎吹角壩姜維碑白鶴
寺石像頌諸古蹟查西心坎在溱溪砦吹角壩
在溱州堡姜維碑在吹角壩白鶴寺未詳石像
頌在南州南州卽今綦治唐置舊唐書貞觀十
六年並置樂來縣天寶初改溱溪郡乾元初復
爲溱州宋大觀二年別置溱州及溱溪縣宣和

二年州縣俱廢以溱溪砦隸南平軍通志載入
邑中泥於徙軍來治一語之誤也

龍崖城古磨崖碑綦志載入綦江古蹟所云奉捆
令城馬腦山者卽馬嘴山俗名馬溺水在今治
東八十里上有城爲邑第一關隘綦志泥前南
併入綦故援入古蹟誤

孝婦泉爲邑八景之一綦志據輿地紀勝載泉在
南平軍一里邑則南城外南極橋側有泉爲孝
婦錢氏所感至今清冷不竭夫泉之在綦在南

一也其爲孝婦感亦一也蔡志言孝婦而未詳其姓邑志言孝婦錢氏而未詳其時不知蔡別有泉歟或同此泉也

韋志通墓舊志載在正安州查韋氏宗譜歷叙通萬歷中以孝子受旌祀孝祠旋以孫邦聘由進士授湖廣尋陵州知州貶贈奉政大夫詔祀鄉賢行誼載通志壽九十餘無疾終葬邑之圓村壩宗祠右里許云葬正安前志誤

羅上選國初貢生鮮我翻乾隆貢生羅萬聘乾隆

初年人由歲貢生歷官湖廣柳州吏目靖州知州陞常德府知府三人前志俱誤列明朝

吳隆厚舊志列仙釋謂有奇術祈禱不計錙銖道光十五年大旱前令唐飭祈雨上壇作法甘露立沛後八十三歲卒云云夫禱雨爲民請命宰官精誠所感雨澤立應此理之常謂厚以術取雨澤則天下何事不可術取且不取於未禱之先而取於方禱之際天之仁也果厚之術歟意厚當日亦誠樸老道士耳必仙之釋之夫豈其

然語云老而不死之謂仙仙遷也遷入山也厚
年八十三卒仙而釋耶

周觀察墓舊志載在治北石灰崖名家相由湖北
荆襄道致仕來邑來邑者其初原非邑人致仕
後始入籍耳不然其人其官舊志科名仕宦何
俱闕如至云相獨建新橋抉出石碑係相題等
語似無確據

三賢墓舊志載治北七十里石龍廟側有瀟溪明
道橫渠墓所八字號夫子墳墓旁居民多周程

姓歷考三賢里居科第官階宦所並告歸年時
又旁引伊川謫涪墓地相近以爲佐證舊志似
疑信參半涪州志並無伊川墓地惟於點易洞
鈎深堂注伊川謫涪在此注易州守范仲武塑
像祀之云云此與漢儒尹珍墓有別珍以南川
人教授南域舊志於名宦鄉賢並列之所以存
其真也使三賢真葬此地何以邑中三姓人甚
多考其譜系無有能辨之者顧說者曰三賢宋
儒也自宋迄明已數百年風雨之所飄飄莓苔

之所脞削纍纍者半就蕪沒此獨佳城鬱鬱古
刻釐然或亦忠貞之骨山靈阿護雖歷劫如恒
河沙數而潛德之幽光必發決不爲氣數所消
磨不然世遠年湮幾何不犁爲田耶又况賢哲
之生往往見重於君子而見嫉於小人其歿也
匪特君子思之不置卽小人亦樂道其姓字考
其里閭侈談其軼事以爲快及過其墳廬輒不
禁肅然起敬而一二好古之士又或憑弔欷歔
撫斷碑殘碣流連不忍去三賢非一代名儒良

吏耶其入人之深感人之速爲何如則有此墓
以維繫人心挽回風氣不可謂非勸民勵俗之
一助

蕭太守墓舊志載蕭顯號南溪字名世萬歷二十
六年奉准致仕直隸太平府通判六世孫蕭千
亨立石并書通志瑩凡三台有靈堂令清者有
旌表節孝蕭母王氏者有勅封名宦鄉賢奉直
大夫蕭懋所誥命慈淑夫人蕭胡氏貞靜夫人
蕭李氏者並未詳其於顯爲何如人此與浮梁

雙溪子蕭南溪墓志銘大相齟齬銘詞於顯之
祖父母父母妻子孫曾並履歷行業治狀壽算
及生歿年時葬期葬地皆確鑿言之而所謂奉
直大夫敬所與貞靜慈淑兩夫人無一語道及
而參差舛錯互相矛盾且敬所以奉直大夫書
有勅封名宦鄉賢等字何以邑中名宦鄉賢兩
祠俱闕登諸簡編後人何所徵信妻以夫榮母
以子貴未有舍其夫其子之名位官階而獨署
其妻其母之名氏封誥而可爲典要者如敬所

與慈淑貞靜兩夫人於顯之尊卑莫辨不敢斷

舊通志辨漢儒尹珍非南川人因後漢書及華陽
國志曰珍牂牁母歛人牂牁稱郡舍母歛第舉
牂牁所屬貴州雲南諸府謂去巴渝遠猶言珍
重慶南川人舍南川第舉重慶所屬如巴郡太
守但望上疏言巴郡圖經境界南北四千東西
五千周萬餘里不知者遂疑南川於重慶其間
隔絕不啻幾千里去巴渝倍遠矣路史巴國東
至魚腹西連夔道北接漢中南極牂牁皆其地

則牂牁未嘗遠寰宇記漢武帝使發南夷兵征南越且蘭不從乃反漢發巴蜀校尉擊破之遂平南夷爲牂牁郡改置毋歛縣隸焉毋歛今之綦江樂史謂牂牁卽涪州義衆郡也涪州志今石碇地州西接牂牁南通武陵又與綦南毗連牂牁何遠之有且珍墓在正安新州去邑十里正安亦古南平綦與南其先併爲一地諸志侈陳牂牁幅輳於毋歛二字則圖圖吞棗何耶夫珍漢儒也學問事功爛然今古而其里居出處

歷二千餘年猶考核未當徒雌黃於學士文人
之口聚訟紛紛迄無定論良可慨矣

舊志川主祠引舊說有秦之蜀郡太守李公冰公
之子二卽隋之嘉州太守趙煜兼祀之云云蓋
本通志按通志外紀趙煜隋時爲嘉州太守入
水斬蛟爲民除害後挈眷入山踪跡不復見唐
太宗封爲神勇大將軍廟祀灌口宋張詠治蜀
蜀亂詠禱祠得神助蜀平事聞封川主清源妙
道真君遂疑川主是趙煜非李二卽也雍正五

一化魚
復復即
是得實

年 勅封蜀守李冰為敷澤與濟通佑王李

二即為承續廣惠顯英王令地方官製造神牌

春秋致祭舊志遂台趙李而無祀之朱子語類

云梓潼與灌口二即兩箇神幾乎割據了西川

據此川主之為李一即非趙煜也無疑舊志泥

於通志外紀而未暇考朱子語類故誤以為無

祀

李公諱冰蜀主魚鳧土裔孫巴東人也王生有異

相壘樓項見名杜宇都郵邑能捍禦水患後稱望

月一系云 卷之二 辨論 十三

帝以其相鼈靈有治不功禪位隱去決玉壘山在灌

縣脩道於成都之小金建萊名威眉山得秘傳於浮

邱公浮邱公神農氏也遇赤松子點化勤修傳王

以真道王鍊金丹於華林山石室南昌奉新縣丹

成還蜀能拄杖日行八百里見東坡與子由同人

遂呼八百仙翁翁思此廕後裔隨地拯民災難洞

悉水脉能降伏妖邪乃於十數世後生公冰紹習

遺術以名太守除孽龍蹇氏子東坡神女廟詩秦

連環王十朋注引神異記云秦守李冰降毒龍蹇
氏鎔於江新津志辨謫有云為孽子強者有訛為

學承懷者蹇於巴川今渠水河家貧刈草易米以養母

內無確據生於巴川水河家貧刈草易米以養母

於刈處掘地得徑寸珠吞之變長蛟直入大江能

幻化諸形事役眾水族嗜食人肉歲需民春秋祭

取民童男女被其淫污吞噬者不可數許始皇三

十六年庚寅蜀郡水災巴東人沙正正為墨子弟子以藥愈始

皇疾見信以冰精習乃祖八百仙翁遺術識水利

見神仙鑑有奇勇其子二即家學繼承神力罕匹父子協濟

足制毒龍薦之始皇以為蜀郡守公到官命二即

察巴蜀水勢其間衝潰蓄洩最利蜀都者莫如鑿

內外兩江築大堰於桃關高貢注水聚復流瀦之

瀦蓄水是也桃關一名滿崩江即都江堰也地理

今釋謂江至灌縣離堆岐為數十股非李公遺跡

而何宋河渠志李冰關即孽蛟蟠踞所必除治而

穿都江堰於成都後可興工乃選材技隸民伺孽來親迎童男女遠

起撲之蛟反鬪二即佐以神力命武士業射妖傷

還蛟形全伏取鐵連環鎖繫深潭潭在灌縣伏龍

時見其鎖伏龍觀山今之更由都江堰次第疏支

離堆也見風俗通並通志渠三十有六四川總志資民灌溉全蜀沾惠而壩井之

利亦興綜計危灘如滿崩即都江堰孽蛟蟠踞所也字與蜀人謂堰為壩

盡赤手提蛟頭出嘉民獲免害見方輿覽勝在官數載

多惠政以世亂棄職隱趙公山灌縣蜀民於灌口立

祠奉祀因熟習公貌與崇德廟二卽像相肖故喧

傳公爲二卽再世合奉爲灌口二卽神見神鑑唐貞

觀十年丙申託名趙道士賣葫蘆種於利州南門

今廣元縣次年秋嘉陵江泛漂流數百家道士坐大瓢

拯民溺太宗封神勇大將軍或作宋太宗封誤遣使致祭

天寶十五年丙申明皇幸蜀加封赤城王宋真宗

咸平十八年癸卯張詠知益州詠於太宗甲午年知益州安奉順心

亂劉盱王均亂屢助詠破賊事聞封川主清亦

道真君後直云封灌口二卽爲清源妙遵義高嚴

山川主廟古播州源屬蜀國朝屬黔建自唐僖宗乾符二年

未特南詔陷播楊端領兵復之封子孫世襲其靈

響如應明末流賊屠川由綦江進攻遵義神於婁

山關現形遏賊鋒見郡守蘇霖泓碑記

國朝康熙中吳逆僞將馬三寶擁兵入遵義東華錄康熙十七年

戊午七月三桂死於衡州三寶立其孫世璠於貴陽據遵義

虐見廟碑乾隆三年戊午夏旱魃爲虐郡守蘇霖泓

虐見廟碑乾隆三年戊午夏旱魃爲虐郡守蘇霖泓

虐見廟碑乾隆三年戊午夏旱魃爲虐郡守蘇霖泓

虐見廟碑乾隆三年戊午夏旱魃爲虐郡守蘇霖泓

浚用兵乞陰扶果應夢戰勝見朱子語錄 甯案開禧二

年丙寅吳曦之變與文昌神默助安丙楊巨源平

蜀亂曦授首又憐蜀有六丁五未之數與文昌奏

上帝移整於瀘渝嘉以下胥免並見文昌化書 國朝康熙四十

七年戊子孟洞水決逼灌口獲神佑水洩外江見

撫憲德疏 雍正六年戊申夏堰水涸苗將稿知縣譚禱

於廟雨水齊發周徧十三州縣之田見灌江備考陶仁明題記

十一年癸丑蜀大旱總督黃廷桂齋宿廟廡柱所

塑雙龍飛去復還身帶泥沙通宵雨如注合郡霑

足見李雨村新搜神記 所著神蹟沾溉蜀民有與階

守趙公神迹相牽合者焉遂以二即為趙公粵稽

趙公名昱峩眉人也名勝志以公曾脩道青城山誤為青城人 世積善

父自宏精醫廣施方藥活人母夢神捧日立身旁

寤而生公因名昱年十六舉孝廉好道從師李珏

習法青城山受水遁劍術於神僧林澹然文安侯

牛宏表薦於煬帝大業六年庚午捷為冷源二河

老蛟恣害帝辟公守嘉州今嘉定府 公至率甲士千人

夾江鼓譟已持劍披髮入水與蛟戰一晝夜二水

另設一龕另製神牌各署其所封神號以示尊崇
不然廟貌既無異名祝洞何所專屬敬之實誣之
也無已不如從朱子語錄爲是

